

Sentence

De la chambre des Monnoyes

Qui. Condamne au payement des gages d'un officier de la monnoye le nommé Robert Grincet et qui ordonne la vente de ses meubles

Du 4. Decembre 1431.

Les generaux Maitres des Monnoyes du Roy notre sire, au premier Sergent notre Salut: comme a la requeste de Durand achant naquieres Tailleur et Essayeur de la Monnoye naquieres estant audit Lieu du Roy par vertu de certaines nos lettres de Commission Thomas de La. Ramee, sous signee de Nimes et Sergent a cheval du Roy notre dit Seigneur en son chatelet de Paris se fut Transporte en la ville de Romorin et icelles nosdites Lettres de Commission par Luy deüement exhibees aux officiers du dit Lieu en-

L'hotel et habitation de Robin vincent nomme
En nosdites lettres et pour ce que ledit sergent
ne put trouver ne apprehender ledit Robert vincent
audit Robert vincent en la personne d'une sa
femme eut fait commandement de par le Roy
notre dit seigneur et nous qu'il payat et contentat
ledit Durand achat de la somme de cinquante
sept livres Tournois en quoy il est tenu au dit
Durand achat pour les causes contenues en nos
dites lettres a L'encontre duquel commandement
laditte aune pour et au nom de son dit mary
Robin vincent se fut opposee a laquelle aune
opposante ledit sergent eut assigne jour au
premier jour de ce present mois a comparoie
pardevant nous en la chambre des dites monnoyes
a Bouoges pour proceder et aller avant et dire
les causes de son opposition, La main du Roy
notre dit seigneur suffisamment garnie de douze
sommes de bled et de tous les autres biens jusques
a la somme de cinquante sept livres Tournois
et des depens et depuis se soit ledit sergent
Transporte et traict devers ledit Robin vincent

~~en la ville de Nîmes~~ auquel il notiffiat et fit a
 sçavoir Lesdits Exploits ainsi que plus aplein
 est contenu en nos dites Lettres de Commission —
 Requête dudit Durand et relation dudit Seryent
 Cy attachées sous l'un de nos signets et comme par
 icelles nous est suffisamment apparu auquel
 premier jour de decembre ne aussy depuis Ledit
 Robin Vincent n'est comparu icy presenté —
 pardevant nous ne autres pour luy suffisamment
 appelle par Jean de la coue huissier de Ladicte
 chambre, pourquoy nous audit Durand deuiement
 presenté et pour ce present requerant et recevant
 avons donné et par ces presentes donnons deffaut
 a L'encontre dudit Robin Vincent et par le moyen
 d'iceluy et considéré la nature de la cause et matiere
 dont estoit et est question qui estoit du payement
 de gages dudit Durand a luy due par Ledit Vincent
 et qu'en matiere d'exécution quand quelqu'un est
 exécuté et il s'oppose s'il ne compare au jour
 assigné, doit passer la vente des gages sur luy
 prins pour la somme pourquoy est exécuté
 Ledit opposant et est deschu iceluy opposant des

des causes d'oppositions par le stile tenit et modé
En cou l'ave, avons declare et declarons la vente
desdits gages et autres biens dudit Robin Vincent
passés et avons dit et disons qu'elle passera aux
jours et nuits en tel cas accoustumés et que lesdits
gages et biens dudit Vincent Robin seront vendus
et admegez et que les deniers qui en yssiront
seront baillés en payement desdites cinquante
sept livres Tournois audit Durand achart et
autre plus avens condemné et condamnoué
Ledit Robin Vincent aux depens dudit Durand
faits en la poursuite de cette cause, avons la
taxe reservee pour ce est il que nous vous mandons
et commettons par ces presentes que Lesdits jours
et nuits passés, lesdits gages et biens prins par
Execution comme dessus est dit sur Ledit Robin
Vincent ou autre Laditte femme vous exposez
en vente et les jours et nuits sur ce accoustumés
passés, jeux baillés et delivres au plus offrant
et dernier enchereuseur et les deniers qui en
yssiront baillés audit Durand ou a son dit
procureur pour Luy jusques a pleine et entiere

Satisfacion de ladicte Somme de cinquante Sept-
 livres Tounois en acquit solution et payement
 d'icelle a luy deüez par Ledit Robin en prenant
 quittance dudit Durand suffisante et valable
 audit Robin et avec ce vous mandons et
 Commettons par cesdites mesmes presentes
 qu'a l'instance et requestes d'iceluy Durand achant
 en de son dit procureur par luy vous adjournez
 Ledit Robin Vincent a comparoir pardevant
 Nous en la chambre des Monnoyes a Bourges
 a Certain et Competant jour pour voir taxer
 Lesdits depens et procedes en outre comme
 de Raison et intimation qu'il vienne ou non
 audit jour. Vous procederons a la taxation
 d'iceux et outre selon raison en nous.
 Certiffiant iceluy de ce faire. Somme Donnée
 Le quatrieme jour de Decembre mille-
 quatre cent Trente on ./.